

Broj: 03-02-1079/2014
Sarajevo, 18.7.2019. godine

PARLAMENT FEDERACIJE
BOSNE I HERCEGOVINE ✓

- Dom naroda -

bosna i hercegovina
Federacija Bosne i Hercegovine
**PARLAMENT FEDERACIJE
SARAJEVO**

Primljeno:	22-07-2019		
Org. jed.	Broj	Priloga	Vrijednost
02-	02-	13M	19

x3

PREDMET: Izjašnjenje Vlade Federacije Bosne i Hercegovine o amandmanima na Prijedlog zakona o pravima demobiliziranih branilaca i članova njihovih porodica

Poštovani,

U skladu sa članom IV.B.3.7.c) (III) Ustava Federacije BiH, u vezi sa odredbom člana 183. Poslovnika o radu Doma naroda Parlamenta Federacije BiH („Službene novine Federacije BiH“, br. 27/03 i 21/09), u prilogu Vam dostavljam **Izjašnjenje Vlade Federacije Bosne i Hercegovine o amandmanima na Prijedlog zakona o pravima demobiliziranih branilaca i članova njihovih porodica, koje je podnio Aner Žuljević, delegat u Domu naroda Parlamenta Federacije BiH, a koje je Vlada Federacije Bosne i Hercegovine utvrdila na 140. hitnoj sjednici, održanoj 18.7.2019. godine.**

S poštovanjem,



PREMIJER

Fadil Novalić
Fadil Novalić

Prilog: kao u tekstu

**Federalno ministarstvo za pitanja boraca i invalida odbrambeno - oslobodilačkog rata –Federalno ministarstvo za pitanja branitelja i invalida domovinskog rata
gosp. Salko Bukvarević, ministar**

Na osnovu člana 73. Poslovnika o radu Vlade Federacije Bosne i Hercegovine - Prečišćeni tekst („Službene novine Federacije BiH“, br. 6/10, 37/10 i 62/10) a u vezi sa odredbom članom 183. Poslovnika o radu Doma naroda Parlamenta Federacije BiH („Službene novine Federacije BiH“, br. 27/03 i 21/09), nakon razmatranja amandmana na Prijedlog zakona o pravima demobiliziranih branilaca i članova njihovih porodica, koje je podnio Aner Žuljević, delegat u Domu naroda Parlamenta Federacije BiH, Vlada Federacije Bosne i Hercegovine je, na 140. hitnoj sjednici održanoj 18.7.2019. godine, utvrdila sljedeće:

IZJAŠNJENJE

o amandmanima na Prijedlog zakona o pravima demobiliziranih branilaca i članova njihovih porodica, koje je podnio Aner Žuljević, delegat u Domu naroda Parlamenta Federacije BiH

AMANDMAN I

U članu 2. dodati stav (3) koji glasi:

„Demobilisani borci razvrstavaju se u borbeni i neborbeni sektor.

- a) Demobilisani borac pripadnik borbenog sektora je onaj borac koji je određeno vrijeme proveo u direktnim borbenim dejstvima;
- b) Demobilisani borac pripadnik neborbenog sektora je onaj borac koji je bio pripadnik civilne zaštite, radne obaveze, namjenske industrije, ratne bolnice, prištabske jedinice, jedinice logistike i svaki drugi borac koji nije učestvovao u direktnim borbenim dejstvima,
- c) Za preciznije određivanje pripadnika borbenog i neborbenog sektora, žadužuje se Federalno ministarstvo za pitanja boraca i invalida odbrambeno oslobodilačkog rata“

IZJAŠNJENJE

Amandman se ne prihvata

Obrazloženje

Predloženi amandman se ne prihvata i Vlada Federacije BiH ostaje pri predloženom tekstu Prijedloga zakona o pravima demobiliziranih branilaca i članova njihovih porodica iz razloga što ni osnovni zakon (Zakon o pravima branilaca i članova njihovih porodica) ne poznaje predložene definicije i podjele demobilisanih branilaca na borbeni i neborbeni sektor, upravo radi toga što uspostavljene vojne evidencije bivšeg Federalnog ministastva odbrane ne sadrže tražene podatke, odnosno podjele.

AMANDMAN II

U tekstu člana 3. prijedloga Zakona o demobiliziranih branilaca i članova njihovih porodica, umjesto teksta "25 godine života" se dodaje novi tekst: "30 godine života".

IZJAŠNJENJE

Amandman se ne prihvata

Obrazloženje

Amandman se ne prihvata i Vlada Federacije BiH ostaje pri tekstu Prijedloga zakona o pravima demobiliziranih branilaca i članova njihovih porodica iz razloga jer je definicija članova porodica demobiliziranog branioca usklađena sa definicijom iz Zakona o pravima branilaca i članova njihovih porodica („Službene novine FBiH“, br. 33/04, 56/05, 70/07, 9/10 i 90/17).

AMANDMAN III

U tekstu člana 4. prijedloga Zakona o demobiliziranih branilaca i članova njihovih porodica, mijenja se tačka e) i glasi:

e) "borački dodatak"

a dodaje se tačka r) koja glasi:

"r) djelimično oslobađanje plaćanja poreza na dohodak"

U cijelom tekstu prijedloga Zakona o demobiliziranih branilaca i članova njihovih porodica umjesto teksta "novčanu egzistencijalnu naknadu" se piše tekst koj i glasi:

"borački dodatak"

IZJAŠNJENJE

Amandman se ne prihvata

Obrazloženje

Amandman se ne prihvata i Vlada Federacije BiH ostaje pri tekstu Prijedloga zakona o pravima demobiliziranih branilaca i članova njihovih porodica iz razloga što bi se borački dodatak odnosio na sve pripadnike boračkih kategorija, a intencija zakona je da se sistemski riješi najugroženija kategorija demobiliziranih branilaca.

Vezano za dio amandmana koji se odnosi na prijedlog djelimičnog oslobađanja plaćanja poreza na dohodak, Vlada Federacije BiH je stava da isto nije moguće regulisati ovim zakonom jer je ova materija regulisana sistemskim propisom koji je u nadležnosti Porezne uprave Federacije BiH.

AMANDMAN IV

U tekstu člana 10. stav 1. prijedloga Zakona o demobiliziranih branilaca i članova njihovih porodica iza teksta "demobilizirani branilac" dodaje se tekst koji glasi:
"i članovi porodice demobiliziranog branioca"

IZJAŠNJENJE

Amandman se ne prihvata

Obrazloženje

Amandman se ne prihvata i Vlada Federacije BiH ostaje pri tekstu Prijedloga zakona o pravima demobiliziranih branilaca i članova njihovih porodica jer prema predloženom zakonskom rješenju demobilizirani branilac može podnijeti zahtjev za ostvarivanje prava na jednokratnu pomoć za liječenje za sebe lično, ali i za člana uže porodice.

AMANDMAN V

Mijenja se tekst člana 16. stav 1. prijedloga Zakona o demobiliziranih branilaca i članova njihovih porodica i sada glasi:

„(1) U slučaju smrti lica iz člana 2. ovog Zakona, članovi porodice iz člana 3. ovog Zakona mogu ostvariti pravo na troškove dženaze/sahrane u visini dvije neto prosječne plaće zaposlenih u Federaciji iz prethodne godine, ukoliko to pravo nisu ostvarili prema drugom propisu.“

IZJAŠNJENJE

Amandman se ne prihvata

Obrazloženje

Amandman se ne prihvata i Vlada Federacije BiH ostaje pri tekstu Prijedloga zakona o pravima demobiliziranih branilaca i članova njihovih porodica iz razloga što se radi o sufinansiranju troškova dženaze/sahrane pod uslovom da to pravo nisu ostvarili po drugim propisima.

AMANDMAN VI

Član 18. se mijenja i glasi:

„Borački dodatak u smislu ovog zakona je mjesečna novčana naknada demobiliziranim braniocima koja se dodjeljuje pod uslovima, na način i u visini propisanim ovim zakonom, te finansira iz budžeta Federacije, Kantona, gradova i opština.“

U članu 19. dodaje se stav (3) koji glasi:

„(3) Pravo na borački dodatak može ostvariti žena demobilizirani branilac starija od 50 godina koja je bila pripadnik oružanih snaga najmanje jednu godinu, ako je prijavljena kao nezaposleno lice kod nadležne službe za zapošljavanje najmanje godinu dana, ukoliko stalno živi i ima prebivalište na teritoriji BiH i ako ona i njen bračni partner nemaju sredstava za izdržavanje.“

IZJAŠNJENJE
Amandman se ne prihvata
Obrazloženje

Amandman se ne prihvata i Vlada Federacije BiH ostaje pri tekstu Prijedloga zakona o pravima demobiliziranih branilaca i članova njihovih porodica iz razloga već obrazloženih kod razloga odbijanja amandmana III.

AMANDMAN VII

U tekstu člana 29. prijedloga Zakona o demobiliziranih branilaca i članova njihovih porodica, dodaje se stav 2. koji glasi:

„(2) Vlada FBiH jednom godišnje podnosi Izvještaj trošenja sredstava koji sadrži imena svih demobilisanih branitelja koji ostvaruju pravo na naknadu i godišnji iznos naknade.“

IZJAŠNJENJE
Amandman se ne prihvata
Obrazloženje

Amandman se ne prihvata i Vlada Federacije BiH ostaje pri tekstu Prijedloga zakona o pravima demobiliziranih branilaca i članova njihovih porodica iz razloga što je prvostepeni organ, odnosno općinska/gradska služba nadležna za boračko-invalidsku zaštitu, koja u prvostepenom postupku donosi rješenja o priznavanju prava na egzistencijalnu novčanu naknadu, u obavezi izvršiti unos navedenih podataka u Jedinstveni registar korisnika prava po ovom osnovu.

AMANDMAN VIII

Član 44 se briše.

Usvajanjem ovog amandmana će se prilagoditi redni brojevi svih članova u prijedlogu Zakona o demobiliziranih branilaca i članova njihovih porodica.

IZJAŠNJENJE
Amandman se ne prihvata
Obrazloženje

Amandman se ne prihvata i Vlada Federacije BiH ostaje pri tekstu Prijedloga zakona o pravima demobiliziranih branilaca i članova njihovih porodica iz razloga što je članom 7. stav (1) tačka 4. Zakona o pravima branilaca i članova njihovih porodica („Službene novine FBiH“, br. 33/04, 56/05, 70/07, 9/10 i 90/17) već propisana prednost pri upisu u obrazovne ustanove.

AMANDMAN IX

Mijenja se tekst člana 45. stav (1) prijedloga Zakona o demobiliziranih branilaca i članova njihovih porodica i sada glasi:

„(1) Djeci demobiliziranih branilaca čija mjesečna primanja roditelja ne prelaze prosječni mjesečni iznos potrošačke korpe u prethodnoj godini, osigurati će se besplatni udžbenici za vrijeme obaveznog osnovnog obrazovanja.“

IZJAŠNJENJE

Amandman se ne prihvata

Obrazloženje

Amandman se ne prihvata i Vlada Federacije BiH ostaje pri tekstu Prijedloga zakona o pravima demobiliziranih branilaca i članova njihovih porodica iz razloga što je intencija Zakona da se djeci nezaposlenih demobiliziranih branilaca obezbjede školski udžbenici, odnosno onima koji se nalaze u stanju socijalne potrebe.

AMANDMAN X

U tekstu člana 49. prijedloga Zakona o demobiliziranih branilaca i članova njihovih porodica, dodaje se stav 2. koji glasi:

„(2) Propis iz stava 1. Ovog člana mora sadržavati odredbu da su identifikacijske kartice elektronske i da će imati mogućnost povezivanja sa registrom.“

IZJAŠNJENJE

Amandman se ne prihvata

Obrazloženje

Amandman se ne prihvata i Vlada Federacije BiH ostaje pri predloženom zakonskom rješenju kojim je propisano da demobilizirani branioци imaju pravo na izdavanje identifikacijske kartice čija je svrha upravo dokazivanje takvog statusa, a radi ostvarivanja dopunskih prava kod drugih organa ili ustanova kako je to propisano Prijedlogom zakona.

Sem navedenog, identifikacijske kartice će biti izdavane upravo na osnovu podataka iz Jedinственog registra, čime se podrazumjeva i njihova kompatibilnost.

AMANDMAN XI

Član 51. stav 2. Mijenja se i glasi:

„Federalno ministarstvo će u roku od 6 mjeseci učiniti javno dostupnim Jedinственi registar boraca u elektronskom obliku, tako što će se iz dijela pripadnosti komponentama Armije BiH, HVO-a, i MUP-a navesti pripadnosti Ministarstvu odbrane/obrane, namjenskoj industriji, civilnoj zaštiti i logističkim bazama te navesti i:

- Prezime, ime jednog roditelja, ime, godina i mjesto rođenja, mjesto prebivališta;
- Spol;
- Status/branilac, veteren, dragovoljac, organizator otpora, učesnik u ratu i dr.;
- Pripadnost jedinicama u kojima je navedeni boravio u toku rata.

IZJAŠNJENJE
Amandman se ne prihvata
Obrazloženje

Predloženi amandman se ne prihvata i Vlada Federacije BiH ostaje pri predloženom tekstu Prijedloga zakona o pravima demobiliziranih branilaca i članova njihovih porodica iz razloga što je Federalno ministarstvo za pitanja boraca i invalida odbrambeno-oslobodilačkog rata već donijelo podzakonski propis – Pravilnik o uspostavi Jedinственog registra branilaca i korisnika prava iz oblasti branilačko-invalidske zaštite ("Službene novine Federacije BiH" broj: 7/18), pri čemu su članom 5. istog propisa (Opći dio iz popisa branilaca) decidno propisana vrsta podataka o braniocima i korisnicima prava koji su predmetom Registra, među kojima su i podaci traženi amandmanom.

AMANDMAN XII

U tekstu člana 51. prijedloga Zakona o demobiliziranih branilaca i članova njihovih porodica, dodaje se stav 3. koj i glasi:

„(3) Federalno ministarstvo će u roku od 60 dana donijeti Pravilnik o objavi Jedinственog registra branilaca u elektronskoj formi, kojim će se propisati sadržaj i način objave Registra, te osigurati zaštitu ličnih podataka branilaca.“

IZJAŠNJENJE
Amandman se ne prihvata
Obrazloženje

Predloženi amandman se ne prihvata i Vlada Federacije BiH ostaje pri predloženom tekstu Prijedloga zakona o pravima demobiliziranih branilaca i članova njihovih porodica iz razloga kako je već obrazloženo u obrazloženju odbijanja amandmana XI.

AMANDMAN XIII

Iza člana 51. prijedloga Zakona o demobiliziranih branilaca i članova njihovih porodica, dodaju se novi članovi koji glase:

Član 52.

(1) Demobilisani branioci imaju pravo na djelimično oslobađanje od plaćanja poreza na dohodak.

(2) Lice iz stava 1. ovog člana ima pravo na oslobađanje plaćanja poreza na dohodak u mjesečnom iznosu od 5 KM za svaki mjesec proveden u Oruzanim snagama.

Član 53.

Vlada FBiH će svojom uredbom detaljno propisati način i procedure djelimičnog oslobađanja od plaćanja poreza na dohodak demobilisanih branioaca."

Usavajanjem ovog amandmana će se prilagoditi redni brojevi svih članova u prijedlogu Zakona o demobiliziranih branilaca i članova njihovih porodica.

IZJAŠNJENJE
Amandman se ne prihvata
Obrazloženje

Amandman se ne prihvata i Vlada Federacije BiH ostaje pri tekstu Prijedloga zakona o pravima demobiliziranih branilaca i članova njihovih porodica iz razloga što Vlada Federacije BiH ostaje pri sistemskim rješenjima koja tretiraju oblast doprinosa u Federaciji Bosne i Hercegovine.

V. broj: 833/2019
18.7.2019. godine
Sarajevo



PREMIJER

Fadil Novalić